



UNIVERSITÄTS-
BIBLIOTHEK
PADERBORN

Regula Sancti Patris Benedicti

Benedikt <Montecassino, Abt, Heiliger>

Moguntiae, 1604

XXV. De Visitorum, & Procuratoris electione.

[urn:nbn:de:hbz:466:1-64533](https://nbn-resolving.org/urn:nbn:de:hbz:466:1-64533)

11. Statuentes, quod quando Fratres mutentur de Monasterio ad Monasterium: competenter induti mittantur, cum clamyde, capello, aliisque necessariis: prout in Capitulo xagesimo septimo Regulæ dictum est.

12. Pecunias verò quas pro vestimentis conferunt, statim Prælati assignent: quas vultus in ipsis vestimentis omnino expendi, non ad alium usum conuerti.

*De Visitatorum, & Procuratoris in Curia
Electione.*

CAP. XXV.

DEMVM ipsi Diffinitores eligant sex Prælatos in Visitatores ultra Præsidentem iuxta Diploma Gregorij XIII.

2. Modus autem eligendi erit iste. Quilibet Diffinitor secretè de per se scribat in vna cedula sex Visitatores, qui sint Prælati: duos citra, & duos ultra alpes, & reliquos duos pro Regno Siciliae. Postea ipsam cedulam Præsidenti præsentet, deinde nominati bñlottentur: & qui habuerint plures voces Visitatores existant. Quando verò plures concurrunt in vocibus, antiquior præponatur.

3. Statuimus tamen iuxta formam litterarum Apostolicarum Gregorij XIII. vt qui in vno capitulo fuerit Diffinitor, illo anno Visitator esse non possit: similiter quod is, qui fuerit Visitator anno præterito, nisi elapso biennio in Visitatorem minimè eligi possit.

Quibus

Quibus quidem Visitatoribus non possit iniungi visitatio Monialium, neque actu, neque officio. Visitator solum actu sequenti anno illa monasteria visitare non poterit, quæ præterito anno etiam actu visitauerit. Quam prohibitionem, tam ad Visitatores Monialium, quam Monachorum extendi volumus.

4. Tradant autem Diffinitores binis quibusque Visitatoribus, iuxta prædictas litteras Apostolicas, cedulam: in qua descripta sint, non solum ea quæ de Visitatoribus Congregationis nostræ Constitutiones mandant obseruari: sed etiam alia quæ ipsi Diffinitores iudicauerint Visitatoribus mandanda tam in genere quam in specie, pro singulorum Monasteriorum exigentia. Et binis quibusque Visitatoribus constituent singulos Scribas, prout infra statutum est in secunda parte Constitutionum, capitulo secundo.

5. Idem quoque modus & ordo seruetur eligendi quatuor Visitatores Monialium, prout supra de aliis Visitatoribus dictum est: qui & ipsi biennio à dicto officio vacare debent.

6. Postea ineant tractatum de eligendo Procuratore Generali: cuius officium cum maximi sit ponderis, eligatur spectatæ vir probitatis, industriæ, ac fidei: quique non solum ingenio, & grauitate morum commendetur, & in Congregatione saltem per annos viginti quinque vixerit, & cui vita in officiis, & magistratibus laudabiliter acta firmum &

graue dederit testimonium, posse tanti oneris & honoris nomen sustinere: accesseritque grauior quædam, & continuata Visitationis confirmatio. Ad eius enim officium spectant Congregationis negotia in Curia tractata, Diffinitorum Capituli Generalis, aut Patrum Regiminis præscripto, omniaque ad Præsidem referre: Congregationis iura tueri, benedictiones quinquenniorum, quartam partem reddituum, & contingentem partem Subsidii quingentorum millium scatorum, & annuum censum vncie vnius auri Camere Apostolicæ in festo Sanctorum Apostolorum Petri & Pauli, in signum perpetuæ libertatis quorannis solueri, x pecuniis sibi per Monasteria, aut Quæstorem transmissis. De quibus singulis annis in Capitulo Generali datæ ratione accepti exactissimam rationem reddat: singulisque Monasteriis tantam summam acceptam referat, quantum cum effectu receperit, sub poena priuationis, & inhabilitatis ad alia quæcunque officia, per quinque annos obtinenda.

7. Singulorum item Monasteriorum negotia curabit, & causas defendet, & prouidebit, si opus fuerit, tam de rebus publicum Congregationis bonum concernentibus Præsidentem certiore faciat, quam de priuatis Monasteriorum negotiis, eorum Superiores.
8. Ut autem tanti Officii onus facilius sustinere valeat, deputetur ei à Diffinitoribus, & à Patribus Regiminis Coadiutor: cuius opus

ra scribendo, & aliis negotiis vtatur. Sit grauis & ipse Monachus, industrius, probitateque & ingenio conspicuus: qui etiam eius vices, si quando eum abesse contigerit, sine Cōgregationis incommodo gerere possit. In eo autem officio, si ipse Procurator rectè administrauerit, per quinquennium ad minus perseueret: quo elapso in Prælatum promoveri possit.

De Epistolis dirigendis, & loco Capituli eligendo. CAP. XXVI.

EXPEDITIS omnibus, ante tamen Capituli absolutionem, si quæ responsiuæ vel missiuæ conficiendæ sunt literæ, imponatur Cancellario, quæque & quibus scribendæ sunt personis. Quas litteras Diffinitores diligenter videât: & si quas iudicauerint memoria dignas registrari faciant.

2. Consequenter pro futuro Capitulo celebrando idoneus in aliquo Congregationis nostræ Monasterio locus eligatur. Declaramus autem Monasteria pro celebrando Capitulo hæc esse. Videlicet, Monasterium S. Benedicti Mantuani Prataleæ, S. Ioannis Euangelistæ Parmæ, & Sæcti Petri Perusii: quâdocunque tamen hoc Monasterium Perusii ira fuerit accommodatum, & taliter quod Capitulum Generale commodè & religiosè recipere possit: Hac tamen apposita condi-

tionem,